




سرائیکی

ہن تھی فریدا شاد ول مونجھاں کوں نہ کر یاد ول
جھوکاں تھین آ باد ول ایہا نیں نہ دہی ہک منی

بیاد: سید نذیر علی شاہ مرحوم



ترجمان سرانہ کی ادبی مجلس

جلد نمبر ۱	اپریل، مئی، جون	شمارہ نمبر ۲
------------	-----------------	--------------

نگران _____ نصر اللہ خاں ناصر (اعزازی)

مدیر _____ سید دین محمد شاہ

_____ نواز کاوش (اعزازی)

_____ اجمل ملک (اعزازی)

مشیر قانون _____ عبدالقیوم اعوان

قیمت فی پرچہ: دواہ روپے ۵، سالانہ: پانچواہ روپے ۵

رابطہ دفتر سرانہ کی جھوک سرانہ کی بہاولپور

خوش ذائقہ لذیذ اور معیاری کھانوں و فرحت بخش مشروبات کا مرکز

الحمر ہوٹل نیڈر سٹورٹ بیبا پور

ہمارے ہاں ہر قسم کے ملکی و غیر ملکی کھانے انتہائی عمدہ ہر وقت دستیاب ہیں۔ اور مرغ، کدھائی، گوشت کدھائی، مکہ کباب کا اعلیٰ انتظام ہے۔ صاف ستھرا ماحول، ہوادار کمرے، آگے پیش مناسبت دم، ہمارا نصب العین ہے۔

الحمر ہوٹل نیڈر سٹورٹ 5

بیرون فریڈ گیسٹے بیبا پور فون نمبر ۳۲۵۱

شادی بیاہ اور دیگر تقریبات کے لئے
ہماری خدمات سے استفادہ حاصل کریں

ممتاز ڈیکوریشن الیکٹرک ٹوا
گری گینج بازار بیبا و لستور

تندیر

نمبر شمار	عنوان	تحدید	صفحہ
۱	اجمعہ	ترجمہ دین محمد شاہ	۴
۲	اداریہ	دین محمد شاہ	۵
۳	گالہ ہسار	دین محمد شاہ	۸
۴	سرایکی وچ سفرنامے	اسلم رسول پوری	۱۱
۵	سکھ دا وارہ	غلام حسن حیدرانی	۱۸
۶	مائی پڑھی دا گھوڑا	حنیفہ خسان	۲۲
۷	میسزبان	ڈاکٹر پروین سلیم ملک	۲۷
۸	ڈوں مٹھڑے پول (نظم)	صدیق طاہر	۳۰
۹	غزل	ریاض خا کوئی	۳۱
۱۰	کافہ	خواجہ محمد یار فریدی	۳۲
۱۱	سرایکی وچ ترجمہ نگاری داقن	نواز کادش	۳۳
۱۲	لولے (نظم)	نصرت زنگان ناصر	۳۷
۱۳	ڈوہڑے	شاکر شجاع آبادی	۳۹

طالع و ناشر: سید دین محمد شاہ، مطبعہ چتر گزٹنگ پریس بہاولپور، مقام اشاعت: بیہجوک سرایتی

بسم اللہ الرحمن الرحیم

ترجمہ
سید دین محمد شاہ

الْجُمُعَةُ

يُسَبِّحُ لِلَّهِ مَا فِي السَّمُوتِ
وَمَا فِي الْأَرْضِ الْمَلِكُ
الْقُدُّوسُ الْعَزِيزُ الْحَكِيمُ

تثنا بیان کر سید بن اللہ تعالیٰ دی جو کچھ
آسمان پر اے تے زمین تے ہے، بادشاہ
ہے، بہوں پاک، غالب تے حکمت والا۔

هُوَ الَّذِي بَعَثَ فِي الْأُمِّيِّينَ
رُسُلًا مِنْهُمْ يَتْلُو عَلَيْهِمْ
آيَاتِهِ وَيُزَكِّيهِمْ وَيُعَلِّمُهُمُ
الْكِتَابَ وَالْحِكْمَةَ وَاتَّزَكَّوْا
كَانُوا مِنْ قَبْلُ لَفِئَةً
ضَلِيلًا مُبِينًا

اد ذات اللہ دی ہے جیں ان پڑھاں
وچ پیغمبر بھیجا، اونہاں وچوں
انہاں کوں آیتاں پڑھ سنس نبی دے
اتے پاک کر نبی دے، اتے انہاں
کوں قرآن تے دانائی سکھندے۔
اگرچہ ایں کنوں پہلے او
واضح گراہی اچ سن۔

Whatever is in the heavens and
whatever is in the earth glorifies Allah,
the King, the Holy, the Mighty, the
Wise.

He it is Who raised among the
illiterates a messenger from among
themselves, who recites to them His
messages and purifies them, and teaches
them the Book and the Wisdom—
although they were before certainly in
manifest error.—

اداریہ

قارئین گرامی قدر، سرایتی ادبی مجلس بہاول پور میں علمی، ادبی تقریریں منعقد کرتی ہے۔ کتابیں چھاپتی ہے۔ افسوس ہے کہ آج کا طالب علم، طالب منشیات بن گیا ہے۔ سیاست دان آپس میں الجھ رہے ہیں۔ آج کے یہ ”راہنما“ آپس میں الجھے رہیں تو کبھتی کا باعث اور ان میں اشتراک ہو جائے تو قوم کی شامت ایک اعلان ہوا، کہ فلاں کے دن گئے جا چکے ہیں دوسرے نے جواب دیا کہ اینٹ کا جواب پتھر سے دیں گے۔ ان حالات میں ادبی مجلسیں کیسے کام کر سکتی ہیں!

مہنگائی کے اس دور میں غنچہ دہنی، سیمیں بدن پہلے ہی زیر زمین جا چکے ہیں۔ ہم جیسے پھیکے لوگ جو کسی شمار و قطار میں نہیں، اپنا کام بہر صورت بہر قیمت کر رہے ہیں۔ ہماری کوشش ہے کہ خوشیاں بکھیری جائیں۔ ہر طرف لڑنگ ہو، روشنیاں ہوں۔ مگر حالات یہ ہیں کہ دن دھاڑے ڈاکے، اغواء قتل کا دور دورہ ہے۔ منتخب نمائندوں سے رجوع کریں تو جواب ملتا ہے کہ جمہوریت کی بحالی تک وہ اپنی کوششیں جاری رکھیں گے۔

عام آدمی کو جمہوریت کی بحالی یا پامالی سے کوئی غرض نہیں۔ عوام یہ جلنے کا حق رکھتے ہیں کہ ان کی عزت و جان اپنے ہی وطن میں اپنے ہوطنوں کے ہاتھوں بھی محفوظ کیوں نہیں؟ جواب کون دے؟ پارلیمنٹ میں اس بات میں مصروف ہیں کہ وہ آئین کی بالادستی قائم کرنے کا تہیہ کئے ہوئے ہیں۔

ایک عام آدمی کی جان و مال، عزت و آبرو محفوظ نہ ہوتے سے ایک ”لیڈر“ کی صحت پر اثر ہو یا نہ ہو مگر یہ بات واضح ہے کہ کوئی تخلیقی کام نہیں ہو سکتا۔ ملک میں تخریب کاری ہو اور ہم شعرو سخن کی مجالس سبجائیں تو ایسا محسوس ہوتا

ہے۔ جیسے ہم بھی نقاب پوشوں میں شامل ہو کر تحریک کار می کا ارتکاب کر رہے ہیں۔

عوام باشعور ہیں، مگر مجبور ہیں۔ مستقبل کی امیدوں پر جی رہے ہیں۔ انشاء اللہ جلد سب کچھ ٹھیک ہو جائے گا۔ ہم نے حکام بالا کو اپنی مجلس کی سالانہ گرانٹ میں اضافہ کی درخواستیں اور متعدد یادداشتیں گزار رکھی ہیں مگر نا حال پذیرائی نہیں ہوئی ہمارے لئے بھی "ان" کی یہی نصیحت ہے کہ مزید سادگی اور قناعت سے کام چلاؤ چنانچہ اس نفسا نفسی کے عالم میں ایک سادہ، مگر پُر وقار، دعا پر ہی قناعت کرتے ہیں۔

۱۔ اے کن فیکون کی قدرت والے، ملک میں جمہوریت کا نردول فرما۔۔۔۔۔ عوام کو جلد از جلد آئین کی بالادستی سے نواز تاکہ مجلس کی گرانٹ میں اضافہ ہو۔ آئین

۲۔ یا ستار العیوب، ہمارے غبن اور لوٹ مار کی پردہ پوشی فرما۔ ہمارے نیک اور قومی بچت کے مراکز کو اپنے غیب کے خزانوں سے بھر دے۔ آئین

۳۔ یا مجیب الدعوات، ہماری دعوتوں اور استقبالیوں میں اے اللہ اے اللہ۔۔۔۔۔ ستر ہزار گنا اضافہ فرما۔ آئین

۴۔ ظاہر اور باطن کے بھید جاننے والے، ہماری مکر و فریب کی تجارت، سیاست، صحافت و عبادت کو قبول و منظور فرما۔ اور باہیں وصف قوم کے درجات بلند اور ملک کے وقار میں اضافہ فرما۔ آئین

۵۔ یا لطیف یا مصور، ہمارے اندر فنون لطیفہ، ثقافتی شواہد اور آرٹ کے ذریعے اسلام کی سچی روح بیدار فرما۔ آئین۔

۶۔ ہم گناہ گار ہیں، بدکار ہیں۔۔۔۔۔ صرف نظریہ ضرورت کے تحت ایسا کرنے پر مجبور ہیں۔ ہماری نیت نیک ہے، یا اللہ درگزر فرما۔ آئین

۷۔ یا حاکم الحاکمین۔ ہمارے "حاکموں" کو بھی عقل سلیم عطا فرما اور عوام پسماندگان کو صبر جمیل عطا فرما۔۔۔۔۔ ایک دوسرے کے

مسائل کا صدمہ برداشت کرنے کی توفیق بخش۔ آمین۔

۸۔ یا اللہ ہے تو خود غصہ ہی، مگر بیڑے در سے نہ مانگیں تو اور کہاں سے مانگیں۔ یا مسبب الاسباب۔ ہیں رحمت کے اس دروازے سے داخل فرما جہاں سے، اس مدیر، پُر تقصیر کی بھی، کسی سینار کے بہانے یورپ یا امریکہ کی سیرا سرکاری خرچ پر ہو جائے۔
آمین

مہوں شکر یہ

برائے مالی تعاون وزارت
اطلاعات و ثقافت حکومت پنجاب
لاہور

گالہ مہار

گالہ مہار دامزہ تاں ہے جو بے ساختہ ہووے ، ایندے اچ بناور
 نہ ہووے ۔ میں مینداں جو اساڈی سرائیکی او پہلے والی سرائیکی فی رہی ۔ ظا
 اے شہری زبان اتلی نزات فی تھی سگدی جتلی وسیتاں دی ہوندی لے ۔
 ایوں خالص رکھن دی کوشت اچ ہیں ، مگر اسوس لے جو قدر کرن والے فی ہے
 لے دی تہاکوں منٹراں ہوسی جو چھلی پھٹی زبان وی سوہتی فی لگدی ۔ اج تاں جنا
 ہک ان پڑھ ، نراجٹ بھڑا دی پچھدے " کیا ٹائم لے ؟ تاں کتی دفع
 کول بڑوتی بلیندیاں سنٹریا ہوسی جو " اج موڈ کا یکنی " اسان تاں ایہو اکھیند
 ہیں جو " ڈاکدار " دا ویلا فی رہیا جو شیشیاں جی و دے رہوں ۔ اج مولی ہیا
 شماری دی ہووے ۔ تاں اسان ڈاکٹر صاحب کنوں ٹانک منگدے ہیں
 اکھ چکی فی تنبالو غرق ۔ بال پچھدن " تنبالو " کیا ؟ جگ آکھوں ، مگ آکھوں
 آویسی ، مگ جیڑھا اشارہ تنبالو غرق پھونڈ اچ لے او جگ بل مگ دا
 فی ۔ ایڈے اوڈے نظر مارو ، تہاکوں کھیتاں اچ جانور تاں نظر آسن
 رہیں اچ زناور کیناں نظر آسن ۔ او ڈیکھو ٹپے تے پیروں راٹاں ہک چھو
 کھڑے ، ایندے نال گالہ کروں ۔ " کیوں کا کا تینڈا ریڈیو فی بلیندا ، کھیناپ
 کوٹنا سائیں سیل کنڈم تھی گئی " سنٹریا لے ، بھیدیاں چ اوٹ والے ہا
 نے ہک گالہ اچ انگریزی دے ڈو لفظ پورن ۔
 اسان تاں مہی سینٹر کنوں قاعدہ پڑھیا ہئی ۔ " جے کوئی پکھے تیر
 کنوں توں کھڑی تختی پڑھدا ۔۔۔۔۔۔ کیناں بھینیں ۔۔۔۔۔۔ اج اساڈی اول
 کنڈر کارٹن دا کورس پڑھ تے اسی تاں سلام پھوڑا کر سیسی ! بس ہیلو نال ہیلا
 جلدے ۔ اج دے بالیں کنوں کوئی گالہ پھول تاں شالا تالا کرتے ونجا
 بوبیندن ۔

جڈاں گنی دی جاتے پریشہ گکر آگئے "ناں" غوست "دی لذت ختم۔
اسا کوں اماں سینٹر اکھیندی ہئی "اڈے" کیوں زچ کیتی کھڑے وے.....
بن اسان بالال کوں اکھینوں "کیوں ڈسٹرب کدے ہو، یار" پہلے گھراں اچ
تھاں پتھے ہوندے ہن - بھانویں ہن تہیتی کد اکری، برتن آگیشن، ماں اچ
چونڈی پونڈی اے!

چھوئے لا مہیت دے درتے مکوڑا بدھیندے ہاسے، مہینہ
دس دے ہن - کن من لگدی ہئی - نکیاں مشوم بالڑیاں کناں اچ مرکیاں پا
تے لاڈو لاڈو کھپڑیاں ہن رمل پاندھے ہاسے
ہٹ کڈاک لگدی ہئی سادگی ہئی، اچ واکوں بھیج دھرک تے
ہتے ہتے کتے ناں ہئی - دے دے دے دے دھاندے ہاسے،
ہن سائیں فجر مردان نال "شاور" کرو - کھیسے خالی تے رب دے سوالی!
کوڑی بچو نہ، ہن چھیکڑی گالھ اے ہے جو اسان "سرائیکی" رسالے کوں
پچپ بنڑاؤں کیتے خطاں دا سلسلہ شروع کدٹ جا ہندے ہیں - نساں اسا کوں
جھوک سرائیکی مہادول پور" دے پتے تے کھو، سرائیکی اچ کھو - عادت فی
ن اتھی ویسی - مختصر کھو، شرمادوں دی امک ضرورت فی - اسا کوں تہاڈے
دریاں دی لڑ ہے - اے تہاڈا اپڑاں رسالہ اے - آؤ، ایچوں رل تے سنگراؤں

سرائیکی اساڈی سنجان اے

لاہور فی دی دے کیرے تے مائیک دی ضرورت اے کہ اساڈے کول نامور
شعراء، دانشور، محقق، فنکار، موسیقار، وسیب نے ماہر سائنس دان
کھلاڑی و صاحب علم و دانش دی ڈائریکٹری موجود ہے - تانجو ہر قسم دے
سرائیکی پروگرام مذاکریاں دامواد کھٹا تھی سکے - نئے واری سر لاہور فی وی سٹیشن
توں دعوت بھواتی دے - سائے وسیب دے بھنیریں بھراویں کوں عرض ہے جو
اپڑاں مختصر تقاریر تجربہ براہ راست مندرجہ ذیل پتے تے لکھ پھو۔

بیس اسلم قریشی پردیو سر سرائیکی پروگرام فی وی سٹیشن لاہور

ٹی وی تے سرایتیکی

لاہور ٹی وی سٹیشن توں سرایتیکی پروگرام "رت رنگیلڈی" دا آغاز تھی چکے
 ایں موقعے تے افتتاحی ریکارڈنگ ۳ اپریل ۱۹۹۰ دے دوران سید دین
 محمد شاہ، صدر سرایتیکی ادبی مجلس دے تاثرات -

اساں ۵۵ کنوں بہادر پور دچ مجلس بڑاں تے سرایتیکی
 دی خدمت شروع کیتی ہے..... اسا کوں اج دے
 ڈینہ دا انتظار ہا۔ حکومت پاکستان دا شکریہ جو سرایتیکی
 دی سہجاء کیتی اے۔ تھوڑا عرصہ پہلے اسلامیہ یونیورسٹی
 بہادر پور اچ ایم اے سرایتیکی کورس دا اجراء تھے۔ اساں
 ایندے کیتے وی حکومت دے شکریہ گزاراں ہیں۔ اے ڈوہیں
 کارنامے اج تالیخ دا حصہ بن گئین۔
 ٹی وی تے سرایتیکی پروگرام دے آغاز نال، انشاء اللہ
 سرایتیکی وسیب دے سچے جذبات دی عکاسی تھیسے۔

سرایتیکی پروگرام ابتدائی طور تے صرف ۲۵ منٹاں دا ہے، جیڑھے
 ہر بدھ لاہور توں شام دیلے ڈکھایا دیندے۔ افتتاحی پروگرام دے مجسمہ
 نصرت اللہ خاں ناصر سائیں ہن، جیڑھے سرایتیکی ادبی مجلس دی نگران کونسل
 دے ممبر ہن۔ اتے ایں پروگرام "رت رنگیلڈی" دے پروڈیوسر اسلم قریشی
 سائیں نے وی اپڑیں ادبی تے ثقافتی زندگی دا آغاز سرایتیکی ادبی مجلس
 بہادر پور توں کیتا۔ اے ڈوہیں حضرات مجلس دے فخر نے سرایتیکی وسیب دا
 قیمتی اثاثہ ہن۔ اسا کوں انہاں روشن خیال، باصلاحیت نینگدان کنوں وڈی امید
 ابیداں ہن۔

سرائیکی وچ سفر نامے

سفر نامہ ہک ادبی صنف دے طور تے اگرچہ کافی مدت کنوں متعارف تھی چکے پر سرائیکی وچ حالی ایں پاسے گھٹ توجہ ڈتی گئی اے۔ ایندی ہک وجہ تاں ایہہ ہے جو سرائیکی لکھاریاں این صنف کون خاطر خواہ اہمیت نیں ڈتی۔ ڈوہجی وجہ ایہہ ہے جو سرائیکی رسالیں دے مدیریں این صنف کون شخصی نوعیت دی تخلیق قرار ڈے کراہیں اشاعت دے زیادہ موقعے نیں ڈتے۔ جیندی وجہ کنوں سرائیکی وچ سفر نامے کون خاطر خواہ اہمیت نیں مل سگی۔

میں اتھاں آپنے ایں نقطہ نظر دا اظہار کمرہ ڈیواں تاں بہتر ہو سی۔ جو سفر نامہ ضروری کے نہیں جو کہیں ڈوہجے ملک دی سیر یا سفر بارے لکھیا ونجے جینویں جو بعض حضرات سمجھدن۔ یہڈے نزدیک سفر نامہ کہیں قسم دے سفر تے دی ملتی تھی سگدے۔ خواہ او اپنے ملک بار جینویں جو اردو وچ اشفاق احمد تے سرائیکی وچ محمد اسماعیل احمدانی دا سفر نامہ اے۔ جیرھے آپنے ملک وچ سفر دے ذکر تے ملتی ہن۔

سرائیکی وچ "پیت دے پندھ" دے سوا ہیا کوئی باقاعدہ سفر نامہ نیں لکھیا گیا۔ لیکن ایندے باوجود وی سرائیکی دے کلاسیکی شاعریں جزوی طور تے آپٹریں بعض نظمیں وچ اپنے مختلف سفریں دے تاثرات ضرور بیان کیتن۔ انہیں تاثرات کون اگرچہ باقاعدہ سفر نامے نیں آکھیا ونج سگدا لیکن انہیں کون سرائیکی وچ سفر نامے لکھن دا ابھار منڈھ ضرور قرار ڈتا ونج سگدے۔ جینکوں سرائیکی سفر نامے بارے ابتدائی شعور دی نشاندہی آکھیا ونج سگدے۔

خواجہ فرید آپنے "کئی کاتیں وچ آپنے سفر جج بارے پہوں سارے شعر آکھن۔ انہیں وی ہک مشہور کافی اے۔

آپہنم جینیدیں مکے ایں شہر مبارک بکے

داه دیس عرب دیان حالیں
 گیال و سر وطن دیان گالیں
 انگور ہزار متیرن
 رمان صغیر کبیرن
 ونج دھم مدینہ عالی
 ہے دھرتی عیسور فانی
 توڑے لگدے دھکے دھکے
 تن آگ محبت بجھتے
 خوش طرحیں خوب حاصلیں
 کیا خوش قبیلے سکے
 خمر بوزے پند کشیرن
 چن دلے ماروں پھکے
 جتھ کون مکان دا والی
 پیا نور رسالت چھکے
 اکھول ول یارہوں تنکے
 دل دردوں لذت چھکے

ایسا مانی وچ خواجہ صاحب مکہ معظمہ وچ پہنچن اُتے آتھوں دے مناظر نال آپنے
 مذہبی جذبات دا اظہار وی کیتے۔ سفر نامے دے جہے بنیادی عنصروں بندن۔ اوسارے لیکن
 پہوں مختصر انداز وچ ایس کافی وچ بلدن۔ اُتے آساں مکہ معظمہ تے مدینہ منورہ دے ہک زائر
 دے جذبات کنوں آگاہی حاصل کریندن۔

خواجہ فسرید سائیں و انگوں سرایکی دے بزرگ شاعر سائیں واحد بخش واحد
 تے دی آپنے کلام وچ سفر نامے دے تاثرات کافی دی شکل وچ پیش کیتن۔ انہیں دی اول
 کافی دے کچھ شعر ایس ہن۔

آیا بلا دا یار دا
 عرفات وچ پہنچے جڈاں
 تختے گئے ہڈیڑے جواں
 کھاؤں دی ہر شے کھور مٹی
 کنی شے دی نہ کچھ لوڑ مٹی
 کجھے کول چمدا نہ تھکاں
 ڈھبہ ڈھبہ پوداں اٹھ اٹھ ہاں
 دمزم زمیوں ساعی کرن
 کجھے توں ایہوں نہ ہن
 غم سوار دا دلدار دا
 رحمت دی بارش تھی پڈاں
 وعدہ ہا سوئے یار دا
 پانی دی کچھ کچھ تھور مٹی
 اتھ کھنہ ہا تکرار دا
 بھوندا وٹاں بھجدا وٹاں
 ویلہا بارش دی مار دا
 سو بھیر وچ بھجے پھر ن
 ہا فیض منہرے پیار دا

چالی کون چم تکدا رہیاں چپ چاپ تھی کنبدارہیاں
لطف و کرم منگندارہیاں مدنی منٹھے من مٹھار دا

واحد بخش واحد سائیں دی خواجہ فرید سائیں وانگوں آپنی ایس کافی وچ دے فریضے
دی ادائیگی تے اوندے رسمیں نال آپنی دلی کیفیات دا اظہار وی ڈاڈھے سوہنے انداز وچ کیتے۔
سفر وچ کنوں ہٹ کراہیں بعض شاعریں آپنا مختلف سفریں دا ذکر جزوی طور تے اپنے
کلام وچ کیتے۔ سیئیں برات علی برات آپنی مشہور مثنوی "سسی" وچ اپنے تبادلے اتے احمد پور
لے دی سیر بارے مختصر طور تے کئی شعر آکھن۔

سن انور بہ سوتر بہ اندر جاں ہو یا امر بانہ ملیا تر ت دُورین ت تبدیل دا پروا نہ
وچ احمد پور لے دے وچ خیر بہتم وقت شبانہ چانچ نہ سنبھال گھدو سے ہک خانہ، ماہار
دایہ پیدل تال اسادے ناخواندہ، رمضانہ مفلس مرد شکستہ خاطر، من موہن فرزانہ
آکھیں مرد عمر کوں اے مرد ضعیف زمانہ کہ کچھ یاد سنا افسانہ، قصہ بادشاہانہ
برات علی برات سائیں وانگوں مولوی محمد حسین شاد مرحوم دی آپنی ہک لمبی نظم۔
پوہ داشکار وچ اپنے سفر دی مختصر رواد بیان کریندن۔ اتے سفر وچ اپنے سنگتیں دیاں
مشکلاں تے شکار دیاں صعوبتیں دا حال وی بیان کریندن۔

بال بلوڑے ویندیں تائیں ہنگن نہ وچ ڈاڈا سائیں
ڈکھے تھیسو وچ آتھائیں ہڈھڑیاں زالاں منگن دھائیں

یازب سیاں خیر گزار

پوہ دا کھپڑے واہ شکار

جھلگے ڈاڈھا ظلم کماون کنبدیں ڈکدیں سائیکل چاون
بار کنوں چاچیل نواون کھنن، کھڑکن ریشن دھاون

روغریں کھدیں پٹے پار

پوہ دا کھپڑے واہ شکار

بلے خاں چا بھاکل پایا، سارا درد بشیر ونجایا
کوٹھدے وچ جوڑ پھلایا کھدیں ہمدیں حال وندایا

دسریا سارا درد ازار

پلوہ دا کھیدے واہ شکار

عبداللطیف لطفن مرحوم دی آپنے ہک سفر دا ذکر آپنی ہک لمبی نظم "لورالائی دی دادی
وچ جنودی طور تے کریندن۔ تے انہوں دی روئیں دا ذکر ڈاڈھے جذبے نال کریندن۔

سنو مجلس بے ڈنگ شاعری دی پوسوزا ہاگفتارے

ایں لورالائی دی وادی دا کرڈیواں بیان اظہارے

جیس پاسے نظر لگاواں میں ڈسٹے ہن خوشبودے ہیکارے

ہا ہوسم جون جولائی دا کردول دے نال وچسارے

ہک ڈینہہ دل جیساں دے گیاں قسمت نال ہزارے

ڈیکھ کے دل حیران متھیا انہاں میوین دے انبارے

انہیں شاعری و انگوں جنودی طور تے کئی نیہیں شاعری دی آپنے کلام وچ آپنے کئی
سفری دا ذکر کیتے انہیں وچوں جمشید کمر خاص طور تے قابل ذکر ہن۔ لیکن انہیں دی باقی عہدہ طور
تے کوئی شعری سفر نامہ نیس لکھیا۔

سمرائیکی نثر دا زمانہ سرائیکی شاعری کنوں ہوں بعد دا ہے۔ لیکن وت دی سرائیکی نثر وچ
جنودی طور تے سفر نامہ قسم دیاں تحریراں ضرور ملدن اختر علی بلوچ آپنے سفر سندھ دا ذکر "ولایت
سندھ دیاں گالھیں" دے عنوان نال ماہنامہ "اختر" ملتان دے جون ۱۹۶۹ء تے جولائی ۱۹۶۹ء

دے شمارے وچ کیتے۔ انہیں آپنے ایں سفر نامے وچ سندھ دے ہوں سارے شہریں مثلاً "سکھر، خیرپور

کوٹ ڈیجی، لاڑکانہ، دادو، نواب شاہ، سانگھڑ، میرپور، جیمیں آباد، جھینڈو، تاج پور تے کئی بنیں

شہریں دے سفر دا ذکر کیتے۔ انہیں زیادہ تر آپنے سفر نامہ وچ انہیں شہریں وچ مقیم وڈے علمی ادبی

اتے سیاسی آدمیں نال ملاقات دے ذکر تے زیادہ زور ڈتے۔ ادا تھاں جنہیں آدمیں کوں ملے

انہیں وچ پروفیسر عطا محمد حامی، شفیع علوی، محمد اسماعیل احمدانی، مہر کاچیلوی، غلام محمد لغاری تے

شیخ ایاز دے نال جانے سچائے ہن۔ ایہ سفر نامہ اگر مکمل طور تے کتابی صورت وچ نیس چھپیا مگر "نثر"

وچ چھپیاں ہوياں ڈوں قسطاں سفر نامے دے ہوں سارے تقاضیں کوں پورا کریندن۔ ایں سفر نامے

دی زبان عاقل ابلی اے۔ اتے ایہ سفر نامہ قاری واسطے دل چسپی تے معلومات دا خاصا مواد

نہاں کریدے۔

اختر علی بلوچ نے اپنے ہک پہے سفر دا ذکر دی ماہنامہ "اختر" جولائی ۱۹۶۸ء دے شمارے وچ کیتے۔ ایہہ سفر انہیں خواجہ فرید دے عرس اتے مشاعرے وچ شمولیت یوں کوٹ مٹھن پڑوکیا۔ اس سفر وچ انہیں عبدالمجید مبین تے سید محمد تقی جیڑھے عرس تے آئے ہوئے ہن نال ملاقات دا ذکر کیتے۔ اس قسم دے سفر جیڑھے مختلف سرائیکی رسالیں دیں ایڈیٹریں اپنے مقاصد کوں اگوں تے ودھاوٹ واسطے کیتن) دا ذکر مختلف رسالیں وچ چھپدا رہیے۔ انہیں کوں سفر نامہ کینس زیادہ رپوتاثر آکھیا ونج سبگدے۔ لیکن انہیں وچ جزوی طور تے سفر نامہ دے کجھ عناصر دی نشاندہی ضرور تھیندی اے۔

انہیں سفر نامہ میں وچوں "صوفی احمد جان دا سفر" نسبتاً قابل ذکر ہے۔ ایہہ ماہنامہ سرائیکی ادب" دے اکتوبر ۱۹۷۲ء دے شمارے وچ ایہیں نال نال چھپے۔ ایہہ سفر صوفی احمد جان نے چاچڑاں کنوں ملتان تائیں کیا۔ اس سفر وچ صوفی احمد جان نے مولانا نور احمد خاں فریدی نال اپنی ملاقات، اتے ملاقات وچ جیڑھے علمی ادبی مسائل تے گفتگو تھئی اے اوندہ مختصر ذکر کیتے این کوں ہک مختصر سفر نامہ آکھیا ونج سبگدے۔ اینویں ہفت روزہ "تمدن" ڈیرہ اسماعیل خاں دے ماہنامہ سرائیکی ایڈیشن اگست ۱۹۷۵ء دے وچ چھپیا ہویا تسلیم فیروز اتے الہی بخش سوداٹی دا ملتان تے بہاولپور دا مشترکہ سفر نامہ وی قابل ذکر اے۔ اس مختصر نامہ وچ انہیں ملتان وچ عزیز الرحمن ملک۔ امید ملتان۔ دلدار بلوچ، مہر عبدالحق، ارشد ملتان، خان رضوانی اتے بہاولپور وچ نصر اللہ خان ناہر، دلشاد کلا پنجوی اتے سیٹھ عبید الرحمن نال ملاقاتیں دا ذکر کیتے۔

"سرائیکی ادب" ملتان دے جون ۱۹۷۸ء وچ مولانا نور احمد خاں فریدی دے کراچی دے سفر" دے ذکر تے مبنی ہک مضمون شامل ہے۔ مولانا فریدی کراچی وچ شاہ لطیف کانگریس وچ شامل تھیون پگے ہن۔ انہیں اپنے اس سفر نامے وچ کانگریس وچ تمغیون والی کاروائی دی تفصیل بیان کیتی اے۔ آخر وچ ایہہ سفر نامہ ہک رپورٹ دی شکل اختیار کر گھندے۔ مگر جزوی طور تے ایندے وچ وی سفر نامے وچ دی سفر نامے ویاں خوبیاں موجود ہن۔ اس قسم دے پہوں سارے سفر نامے جنہیں کوں رپوتاثر آکھن بہتر اے مختلف رسالیں وچ چھپے ہوئے ملدن۔ ماہنامہ سرائیکی ادب" دے فروری ۱۹۸۰ء دے شمارے وچ ثریا شہاب دے ملتان دے سفر کوں عارف الاسلام

صدیقی نے ہک رپورٹ دی صورت وچ لکھیے۔ انہیں دے علاوہ "سرائیکی ادب" ملتان دے اکتوبر
نمبر اتے دسمبر ۱۹۸۰ء وچ عمر علی خاں بلوچ دے مختلف علاقے مثلاً سرگودھا، بہاول پور، پٹی کوٹہ،
احمد پور، قیہ، خانپور، رحیم یار خاں تے گھوٹکی دے سفریں دا ذکر چھپے انہیں کول بالترتیب سجاد حیدر
پرویز، افتخار احمد اختر اتے مقبول گیلانی نے رپورٹ دی صورت وچ لکھیے۔ ایہہ وی زیادہ تر رپورٹاں
ہن۔ مگر جزوی طور تے انہیں وچ سفر نامے دے کچھ عناصر ملدن۔ انہیں دی سب کنوں وڈی کمزوری
ایہہ ہے جو انہیں دی زبان ادبی کے نہیں۔

سہ ماہی "سرائیکی" بہاولپور دے جنوری تا مارچ ۱۹۸۱ء دے شمارے وچ بریگیڈیر سید
نذیر علی شاہ دا ہک چھوٹا جیہاں سفر نامہ "یاراں" دے عنوان نال چھپے۔ ایہہ وی وچ ڈو جی جنگ
عظیم دے دوران قاہرہ دے ہک ہائل اتے سوائی محلے دا ذکر مصنف خود ایں ہوٹل وچ موجود ہن
انہیں مختصراً اوں محلے بارے اپنے تاثرات دا ذکر کیتے۔

سرائیکی دے مختصر نثری لیکن غیر مطبوعہ سفر نامے وچ سرائیکی دے نینگر لکھاری سائیں
محمد شمش جین دے سفر نامہ دادی ذکر ضروری اے۔ انہیں ذیرہ غازی خاں کنوں لاہور تائیں اپنے سفر
کو پہوں دلکش تے سوہنے ادبی انداز وچ لکھیے۔ لیکن اوحالی تائیں اشاعت پذیر نہیں متھیا۔ انہیں
جزوی تے مختصر سفر نامیں کنوں علاوہ سرائیکی وچ پیت دے پتہ "سرائیکی دے ہاندرے لکھاری
سائیں محمد اسماعیل احمدانی دا سفر نامہ اے۔ اینٹوں سرائیکی وچ ہک یا قاعدہ سفر نامہ آکھیا ونج سکے
ایہہ سفر نامہ اندرون ملک کیتے ہوئے ہک سفر دے ذکر تے مبنی اے۔ ایہہ سفر سانگھڑ (سندھ) کنوں
فورٹ منرو د بلوچستان تائیں کیتا گئے۔ ایہہ سفر نامہ ڈو قسمیں دے سفریں تے مبنی اے۔ ہک جسمانی
تے بیافہمی۔ جسمانی طور تے مصنف سانگھڑ کنوں فورٹ منرو تائیں جیڑھیلے مختلف علاقیں مثلاً
شہداد پور، روہڑی، خانپور، بہاول پور، ملتان، لنڈ شاؤن، گدانی اتے سخی سرور دچوں گزر دے
ناں ذہنی طور تے اوناں نال انہیں شہریں اتے ایں پورے سندھ اتے سرائیکی وسیب دے مذہب،
تاریخ، ادب تے تہذیب ثقافت دے ہزاریں سالیں دے سفر کول اپنے ذہن وچ تہہ کریندے
سفر نامے دا ایہہ اسلوب اتلا موثر اے جو مصنف خود ایں سارے علاقے دی پوری تاریخ دا ہک
کہ دار ہن تے سامنے اندے۔ تے ایہہ سارا سفر نامہ ایں سارے علاقے دی تہذیب ثقافت
مذہب تے حریت پسندی دی تاریخ بن ویندی اے۔ مصنف اپنے ایں سفر وچ اپنی تاریخ دے

حوالے تال آپنی ذات تے تشخص دی دریافت تے نکھتا ہویا مسافر لگدے۔ ایس طرح ایہہ سفرنامہ
ہک عام روایتی سفرنامے کنوں ہٹ تے آپنی ذات، قومیت تے تہذیب و ثقافت دی دریافت
دی داستان بن دیتی اے۔ ایس طرح ایس سفرنامے کوں مصنف دی ذات دی تلاش دی
کہانی وی آکھیا ونج سگدے۔

”پیریت دے پندھ“ دی زبان دلکش، موثر تے خالص ادبی زبان اے۔ اتے اوندا اسلوب
افسانوی تے شاعرانہ اے۔ جینکوں فنشاسی قسم دی تحریر آکھیا ونج سگدے۔ ایس سفرنامے نے
سرائیکی نثر وچ یقیناً ہک نویں جاندار اتے قابل تقلید اسلوب کوں روشناس کرائے۔ اتے سرائیکی
لکھاریں وچ ایس نویں اسلوب کوں اپنا ون دی اُمنگ پیدا کر ڈتی اے۔ ایہہ سفرنامہ سرائیکی
وچ باقاعدہ سفرنامے دی مضبوط بنیاد قرار ڈتا ونج سگدے۔

ناز تبسم گجھڑے ہا سے

چالے پیچ فریب دلا سے

حسن دے چار امیر

جنہاں چوگٹھ نوایا

خواجہ فرید

سکھ دا وارہ

جمن اجاں اکھ ڈاہ سال دا ہا۔ جویتی دے ہتھیں آیا۔ سچ آہن جو اپنے جاتے ہر کوئی آپاں
 پالے۔ رُل رُل کے ڈاڈھا اوکھا پلکا۔ پر جڈاں دی اوندی شادی تھی۔ اوندے ایجھے ڈینہہ پھرے
 جو لوک اوندی قسمت دی ریس کر بندے ہن۔ ڈکھ دا وارہ مک گیا۔ ہن سکھ دا وارہ لگ گیا ہا۔ جمن
 دی گزراں ڈاڈھی سوہنی ٹر پئی۔ اوکوں ہک محبت تیں خدمت کرن والی وفادار بلورل پئی۔ اور دے
 شوق تیں ترسے نال تھل دیں ٹہیں وچ بکراں چھڑ گھن دیندا۔ پھر ڈڈھ ڈینہہ دے کول بلوریاں
 گھن کے ٹہیں وچ آویدی کئی کئی وقت اوکھے چھانگاں چرندے کھدے ہمدے دھندے۔ دل بلور
 اُتھوں اپنی جھوپڑی وچ آویدی۔ شام کول جیڑھے ویلے جمن آیت گھن کے اپنی گوکھ تیں دیندا۔ بلور
 اوکوں انتظار کریدی ملدی۔ ڈاڈھے سوہنے ڈینہہ ہن جو لنگھدے رہے ہن۔ قسمت شاید کئی بیاں
 مہربانیاں دی لکائی کھڑی ہائی۔ ڈول سال بعد اللہ سائیں ہک سوہناں جیہاں نکال دے ڈے ڈتا۔
 ول تاں ہر رات شہرات۔ ہر ڈینہہ عید بن گیا۔ لٹھے نہیں بکریاں پلندیں کئی کئی دخت جمن پانی وچ
 اپنا آپ خوش تھی تھی کے ڈہار ہندا۔ جیڑھی بلور ویلے کہیں نہ کہیں بکری دانکا جیہاں لیل چاتی پیا کریدی
 رہندی ہائی۔ ہن آغوں آغوں کرندے پیراں ڈتے کول چاتی تیں چمڈی رہندی۔ او اگیں وانگیں ریت
 دے رینیں وچ روٹی ڈیون دی لنگھ ویدی پہلے دی جمن کول تھل ڈاڈھا پیا راگدا ہا۔ پھر ہن تاں کئی
 بٹی گا لھ بن گئی ہائی۔ اوکوں لائے پھوگ۔ کھپ کھار۔ بوٹی۔ گلاب۔ چنبا۔ موتیا تیں کھرے بھریے
 جڈ۔ چلوئے۔ منڈل تیں صنوبر دے رُکھ نظر آندے ہن۔ او بھجدا بچدا بکریں نال کھٹدا چھیندا سارا
 ڈینہہ گزار دیندا۔ جیڑھے ویلے بلور تیں پیراں ڈتہ کول ہوندے۔ اوکوں اینویں لگدا جو میں جیندیں بہشت
 وچ آگیاں۔ اوکوں بکریاں حوراں نظردیاں تیں تھل وچ حال بلور تیں چر دے اکھ ڈاگے رحمت دے
 فرشتے چاہدے۔ ریت دا ہک ہک بٹہ بہشت دا بغوجہ نظر دا ہا۔ لائے دی ساول پھوگ دے
 پھل دا پورا اکھیں دا نور تیں پوٹی تاں ڈینہہ کول دی چاندنی رات تھدی ہائی۔
 ۲ ہار تھل... توں واقعی سوہنا ایں خواجہ غلام فرید جہیں ایں کوڑے جگ کول تھدا مار کے
 ٹر وچن والیں کول دی پیریں وچ ڈاڈن پا کے روکیا۔ تیں کچھ نہ کچھ اکھوا کے لڑیا۔

روہی دھڑی تو بھارتا دے
آمل توں سینکا پار دے

لانے پھوگ اساڈے مانے
ڈس دے سکڑے کھیر کائے
بڑے بھڑے دھڑکائے
ساگی بارخ ارم دے پار

نیدے باسی دڈے خوش نصیب لوک ہن۔ تیدے لوبھے چھڑو چھانگے پجریاں ڈاگے جھنڈا
نال گھنڈیں ہاں کھڑ دیندے کجھی سوہنی گڈان دے مالک ہن۔ ہک ڈوں ہینے منڈھ وی من
تیں دج گزارے۔ جڈاں لوبھے سک ویندے ہن۔ لوبھے داسک دجٹ ہک رھڑ ہے جو تھلے
واسوکل ذرا ڈوجھی وینا وہ رہن داسوا دچھ کے تھل دی سوہنی زندگی دے انعام دی پرکھ آہنجے۔
جمن بے نکرا امین بھندار یہا۔ ہن پیراں ڈتہ خیر نال ڈاہ باراں سال دا تھی آیا۔ اوکثر پیوے
نال چھانگے چریندا بھڑیں وچ ہرن وانگیں چھالال مریندا بھڈا رہندا۔ جمن دیاں نظراں جھڑھے
دیہے ایں بھڈے ہرن دے ہک تیں پوندناں ہن اوندی زندگی ودھ ویندی پر قسمت دے چکر
دی دکرے ہن۔ بندہ بچارا کہیں دیہے سکھ دے ہتھیں ہے جبکہ سکھ ہتھ چھوڑے تال ڈکھ پچھڑ
گدھے۔ کرناں خدادا بلو بیمار تھی گئی۔ بیمار کیا تھی جو مہنجی مل گدھی جمن وڈے ترے کیتے۔ دوا
داروں کوئی نہ چھوڑیا۔ پر بلوکل اصل داسڈ پئے ای گیا۔ او وڈی حسرت نال جمن تیں پیراں ڈتے
کول روندنا باکدا چھوڑ کے چلی گئی۔ جمن دی خوشی دے ست مار بھوئیں تے آپے۔ ایں کیوں نہ
تھوے مار۔ خوشی دے محل دے ایرے دی سبھ جو اکھڑ گئی بالی۔ او بارخ جلیندے اُتیں کل بہاراں
ای بہاراں ہن۔ ہکے تیتے جھو لے نال اُجڑ کے روکھا۔ سونہرے چلیں تیں ساویں پتیں دی جاسکیں
ترنجپریں مل گدھی۔ بلو دے غم جمن دے ہڈ گودے دکھ وکھ کر ڈتے۔ ڈرکین روندنا وی نہ ہا۔ جو
پیراں گڈ ہاں نہ ہا ونجے۔ ہن جمن امیوں نظر آندا۔ جویں جویں ہک کا تھ دے بندے کول چیل وچ
رہ گت کے بچاں تھل وچ گھلی و دیاں ہون۔ ہن ڈکھ دا دارہ جو لگ گیا ہا۔ پیراں ڈتہ دی
پیو دی حالت جانڈا ہا۔ او ماکول انج روندائیں پیو کول انج کجھ بچریاں تال بلو دے دوائیں تیں لگ
گیاں ہن۔ کجھ غفلت کم کیتا۔ ستر بکری گھڈی گھڈی ڈاہ باراں دا اُجڑ آ رہا۔ اجن دی لکشن
بندہ تھیا غریبی جمن کول ویرھ گئی۔ پیراں ڈتہ جوان تھی آیا۔ تال جمن ہک ڈوجھا ترلا کیتا جو ایندی
شادی تھی ونجے۔ پر گوٹھ دے کہیں بندے ایں سنجیں سکھڑیں دی عرضی دا غیلہ نہ ڈتا۔ ہن جمن ہر
اس نراس تھی کے ہک ڈینہ پیراں ڈتے کول وی ڈسے بغیر صادقان ہا و منہ کیتا اوں شاید دل

دیر سوچیا ہوسی۔ متاں شہر دیر جیڑاوندل ونجے ڈو جھا کوئی مزدوری مل دنجے متاں اجن او شہر دے
 باہروں باجو اول کہیں عورت دی دھاڑ سنی بھیج کے اگول تیں تھیا۔ ڈٹھا ہک عورت کول ڈول جیٹے
 گھیلی ویندے ہن جن پہل ڈٹی۔ تاں او کھڑ تھئے۔ اُنھیں وچوں ہک بولیا۔

بھئی توں مسافر نظر آندیں۔ تینڈا کوئی واسطہ نہیں۔ توں ساڈے کم ویر دخل نہ ڈے۔

او عورت رڈی۔ اللہ دانال من۔ میکوں اُنھیں ظالمیں کنوں بچا۔

جن اُنھیں کول آکھیا۔ بھئی ہک کمزور تیں۔ بچاری تیں ظلم جنگاں نہیں ہوندا۔

اے ساڈی اپنی عورت ہے۔ توں جپ کر کے لگا ونج۔

دل او عورت چکی۔ اے کوڑ مریندا کھڑے اللہ دا.....

عورت اجن گالہ پوری نہ کیتی ہائی۔ جو ڈو جھے جٹے چھک کے اوندے منہ تیں مکھ ماری۔

اوندے منہ تیں نک وچوں لہو دگن پے گیا ہن جن دی۔ جب سگیا اگول تیں تھیا۔ او جٹاں

چاقو مارن کیتیں جن ودا کر یا۔ پر جن دی تر اوندے موندھے تیں پیٹھی ورج چکی ہائی۔ او پیریں ورج

پیار۔ ڈو جھا جٹاں اول عورت کول چھوڑ کے بھیج گیا۔ جن ڈو جھی دفعہ جو کوہاڑی اُلا ری تاں ڈٹھے

ہوئے بندے ہتھ جوڑیئے جن دا اُلا رہتہ جھلج گیا۔ او آدمی اُٹھ کے ہوئے ہوئے ٹردا لگا گیا جن

اول عورت کول آکھیا۔ چل تیکوں میں گھر پچا آواں۔ ڈوہیں شہر ٹر پیئے جیڑھے ویلے او عورت گھر

آپڑی تاں جن کول آکھیا۔ توں وی چل اندر۔ جن آکھیا نہیں میں پر اے گھر نہیں جلدار۔ عورت بولی میں

ہک بیوہ عورت آں۔ میڈے نل میڈی ہک دھی رہندی اے۔ بیا اٹھاں کوئی نہیں رہندا۔ توں ترسلا

کر اے گھر میڈا اے۔

جن اوندے گھر لگا گیا۔ اگول ہک جوان نلنگہ کھڑی ہائی جن پچھیا۔

ایہا ہے تیدی دھی؟

دست جواب ڈتا۔ ہا۔ اے میڈی دھی سکھو اے۔ سال تھی گئے میکوں بیوہ تھیں اول ڈول

آدمی میکوں آہدے ہن جو توں دی پرینج تیں دھی دی ساکوں پرنا۔ میں انکار کر ڈتا۔ ول او زوری

میکوں اُتھاں پکڑ کے مجبور کرکٹ چاہندی ہن۔ توں اپنا حال ڈے۔

جن اپنا سارا حال ڈنا۔ حال سٹڈیں کر مو جی دے منہ دوہکی پیٹھی رہی۔ اوندے ول ویر جن دی عزت

تاں پیلے ہائی۔ ہن ہمدی تیں محبت دی یقینوں لگ سی۔ انا

توں پتر دی شادی کیوں نہیں کریندا۔ متاں تینڈا غم ہو لاٹھی ونجے۔

جُن اُکھیا۔ میڈا تاں ایہو ارادہ ہا پر غریبی وے کھنڈاے کنڈے میں نہیں چُٹ سکیا۔
 او عورت یولی رتسال پیو پتر میڈے تیں میڈی دھی دانسہارا کیوں خوشے بن پوندے ر
 جُن جواب ڈتا۔ مکھن سروچ پنیدیں کہیں داتا لو نہیں سٹردا۔ پر میڈی غریبی ۔
 توں ایندا فکر نہ کر جائیں پیدا کیتے، اول رزق دا ویدا (وعدہ) دی کیتے۔ توں پتر کول اتھاہیں
 گھن آ۔ ساڈی مکھ دکان حالی کھڑی اسے۔ اللہ کیسی او دکان چار جی یلیندی رہی۔
 جُن رات اتھاہیں طیکیا مچھریں اپنی گوٹھ چلیا گیا۔ اُوھتوں پیراں دُتے کول نال کیتا، سامان
 تان اٹلا ہا کوئے تا۔ بکریاں نال کریدے صاف قال بادکے آئے ڈاھ باراں بکریاں ہن۔ ویکین نال
 نال ہزار کھن روپیہ بنی پیا۔ ڈوہاں پیو پتر اں شادیاں کر گھدیاں دکان چنگی چل پی۔ کول ہک
 دفعہ سکھ داوارہ لگ گیا۔

عشق ہے ڈکھڑے دل دی شادی

عشق ہے نہ ہیر مرشد ہادی

عشق ہے اسادا پیر،

جیئیں کل رات سمجھایا

خواجہ فریدؒ

مائی پڈھی دا گھوڑا

یاد نہیں آندا کہ ایہہ کہاٹی کون سنڑیٹا ہا — پڈھی مائی دے گھوڑے والی۔
 — تساں وی یقیناً ایہہ کہاٹی سنڑی ہو سی۔ — نیں سنڑی — تے ول تساں پڈھی مائی
 دا گھوڑا ڈٹھا ضرور ہو سی — گھا و تھ ودا ہونڈے — ساوے رنگ دا تڈا۔
 لمبیاں جنگھاں — پتلا بھرتے اگوں چوڑا منہ، چنڈے اُتے وڈیاں وڈیاں اکھیں
 — پٹولیاں سریندا رہندے — ایتھوں کنوں ایتھوں — تے ایتھوں کنوں ایتھوں
 سنڑاون آلے سنڑا کہ ایہہ شاید دنیا دا واحد ذی روح ہے۔ جیکوں اونڈی
 مادی — ملاپ والے ایں طرحاں کما ویندی ہے کہ اوکوں پتہ وی نہیں لگدا — ایہہ
 کیوں مھتی سگدے کہ ہونڈے ذی روح — اوکوں کھا دا دیکھتے اوکوں پتہ
 وی ناں لگے — میں کچھیا۔

سنڑاون آلے سنڑا یا — اوندے جسم و تھ ترے جیئیں اعصابی نظام
 ہونڈے۔ سرے و تھ، بھہر و تھ تے پوچھڑ والے پاسے۔ اوکوں مستی و تھ مست
 ڈیکھتے، اونڈی مادی پہلا اوندا سرا کھانڈی لے، ول بھہرتے شودے کوں پتہ ہوں
 ویلے لگدے — جیئیں ویلے پوچھڑ آ بھدے — تے ایں طرحاں ڈوہیں
 آپٹریں آپٹریں بکھ مٹا گھندن — لیکن ایں مظلوم کوں آخر پڈھی مائی دا گھوڑا کیوں
 اکھیا ویندے —

میں سوچن بہہ گیا — لیکن ایہہ موقع نہ سگیا — کیوں جو ذال میڈی وی
 دھاڑ دھاڑ میڈی سوچ تے غالب آ گئی۔

آخر مھتی کیا گے — میڈے آلا و تھ زچکائی ایویں سمڈی پئی ہئی — جیویں
 گرم گرم پکوڑیاں وچوں تیل سمڈے — شاید ایہہ تیل ذال میڈی دے کتاں و تھ
 وی چھالے پیندا ہو یا دیکھ پیا — سڑتے بول — ہا — آخر مھتی کیا گے۔ ہٹا کول

کہیں شے دا احساس وی ہووے۔ کہیں شے دا پتہ وی ہووے۔ کڈا ہی ایہہ
 نکرہ وی کیتا ہووے کہ ایہہ کرماں سڑی گذران کیوں کر بندی پئی ہے۔ گھر وچ نوکرائی
 کائینی۔ سارا دینہ کم کر کرتے مرویندی ہاں۔ تہاڑے ہاں۔ سارا ڈینہ ساہ
 وی نہیں گھنٹن ڈیندے۔ ایہہ ہنری ہنری۔ ترٹ مرتے دھوا ایم، کپڑے پوائیم۔
 منہ مستحا بٹرائیٹی۔ تے سوئے باہروں گپ وچ بھرتیج تے آگن۔ تے تہاڑے
 کنوں ایہہ وی نہیں تھیندا جو انھاں کوں ہک دھڑکا چا ڈیواں۔ آخر گھر وچ۔ کہیں دا
 ڈر۔ تاں ہووے۔

بزرگو۔ کہیں ویلے تاں کوئی نویں گالہ کر گھدی کرو۔ ایہہ گالہ تاں۔ پھلے
 یار ہاں سالاں کنوں سن سن کے میڈے اُتے ایویں بے اثر تھی گئی ہے۔ جیویں.....
 پر میکوں ہمیشہ آلی کار۔ آپنریں گالہ پوری کرن دا موقع نہ مل سگیا۔ "بزرگو۔
 ہاں۔ ایڈی وڈی پڑھی ہم تاں شادی کیوں کیتی ہئی میڈے نال۔ ہوں ویلے تاں
 چندر دا ٹوٹا ہم۔ پھلاں رانی ہم۔ کیوں نظر نہ آئی میڈی عمر۔ ہے کیا میکوں۔
 صرف ست سال تاں وڈی ہاں۔ ایہہ سارا کجھ سب معمول زال میڈی اتنے جوش
 نال اکھیا کہ اوں کھنگ چھٹ پئی۔ ایہہ کھنگ وی میڈے واسطے نویں کائینا ہئی۔
 "اوہو۔ تو غلط سمجھیں نابید۔ میڈا مطلب ایہہ تاں کائینا ہا۔ بزرگو تاں ایویں
 اسی۔ نکل گئے منہ وچوں۔ ورنہ ست سال۔ سائیں بادشاہو۔ ایہہ تاں کوئی گالہ
 اسی کوئینی۔ ایہہ ڈیکھو ناں۔ پڈھا تاں میں تھی گیاں۔ ساریاں مچھاں اسی بگیاں تھیندیاں
 ویندن۔" میں بلدی بھاتے پانی دا چھنڈا مارن وی کوشش کیتی۔ پر بھادی لاٹ
 ہئی اچھی تھی گئی۔

ہا۔ ایڈی وی بھولی کوئینی میں۔ سمجھدی ہاں ساری منافقت ہے۔ میں میں
 جیویں ویلے اس گھر وچ آئی ہم۔ یاد ہے میڈا روپ نکھار۔ تے ہن میڈی تاں
 رت پی گھدی ہے تہاڑے گھرنے۔ پیلی ڈیڈا۔ ایویں ہم۔ گلھاں اچوں رت ویندی
 ہئی۔ خواب ڈھٹے ہم۔ شادی دے بعد عیش عشرت دے۔ ساوی سوکھی ہوساں
 نوکر چاکر ہوسن۔ کھڑے تے پہرے تے حکم چلیاں۔ پر تھیا کیا۔ کوکر وی
 تاں ملدا ہے، ساریاں سکاں دل وچ رو گیاں۔ تے میں وی ہناں سکاں آلی کاکر رنج

گئی ہاں، " ذال میڈی نے ہن روون دے ہتھیار نال یکا یک برست مارن شروع کرتے
 اوہو — ایہ تاں معاملہ اُلٹا ہی گل وج پئے گیا — میں بُڑاؤن دی کوشش
 کیتی۔ کیا آکھے دے — گل وج پئے گئی ہاں — ہا، ہن تاں گل دا گلا ماں بٹرساں
 — او موئی دُولو فریاق بندی جو داغ تے چڑھی ودی ہے — یک دا گھر اُجاڑس
 طلاق گھدی ہس تے ذیل کینی بن میڈے گھر کوں تنکی بیٹھی ہے — " ذال میڈی دے
 طرفوں ایں گولے نے میڈی دذعی لائن وج بھڑھلی مچا ڈتی۔

" ڈیکھ بیگم — میگوں جو دل آوی آکھ گھن — پر کہیں پئے وی دھی بھین تے
 ناحق الزام تراشی، مناسب کوئی نہیں بھجدی ہوئی فوج کوں کھٹا کرن دی ناکام کوشش
 کیتی۔ ہا، ناحق — جے ایہ ناحق ہے تاوُل پیا جت کیا ہوندے — ہن ہاں والا ہنڈ
 جو پے — تاں احساسِ عقیدہ ہے اوں دُولو ذیل دا — ذال میڈی روون چھوڑتے
 پنجواؤن تے آگئی۔

" بار — میں جو آپاں پیاں، نہیں سے الزام نہیں ڈیویندا — تے ایہ —
 ایہ غلط فہمی گڈھ ڈے آپنٹریں دل وچوں — میڈا کہیں نال کوئی تعلق کوٹنی — میں اتلے
 ہاؤں پکا بٹرن دی کوشش کیتی۔

" تساں لکھ لکاؤ پئے — ہن ساریاں گالھیں ملدیاں ویندن۔ میگوں پڑھی پڑھی آکھ
 تے احساسِ ڈیواؤن کہ ہن میں تہاڈے قابل نیں رہ گئی۔ تے اوں کینی دے اگوں کچھوں
 پھرن، کھل کھل تے گالھیں کردن — طلاق دے کاغذ بٹرواؤن تے ایہ جھڑپاں تساں پرسوں
 جی پی فنڈ اپوں پورا پنج ہزار کدھوا آئے دے — ایہ سارا کیا ہے۔ میگوں پیتے ہے،
 تہاڈا پروگرام پکتابے شادی دا اوں موئی ذیل جواں لکھی نال — ذال میڈی ہک دفعہ ول
 روون آلی لائن تے آگئی۔

ہن ہئی کاوڑ ڈکھاؤن — جھگا اُجاڑن آلی گالھ ہی۔ میں منہ وج پتا سے پا
 گدے تے منہ اچوں مسٹھاں لیلہوں و ہاون لگ پیا — " جان — یقین کر ایہ محض تیشک
 ہے۔ میں اوکوں بانہ کنوں پکڑنے نیڑے کھٹ تے بلہا گھدا — پر او اور بھیج کے، ڈوہائیں
 باہیں نال ہنوں پوچھندی ہوئی وڈوانی آئے پاسوں ونج کے ڈسکن لگ پئی۔
 " جانا — میگوں آپنٹریں سردی قسم — میں پرے کنوں آپنٹریں سر آئے پاسے

ہوائی اشارہ کیا — اونے، روندے روندے، آپٹریاں اکھیں توں باہیں ہٹا گھدیاں —
شوں شوں کرینڈا نک تے رتیاں رتیاں اکھیں ڈیکھ تے میکوں بارہاں سال پلے آلی، بید
یاد آگئی۔ جڈٹ او میکوں لک لک کے ملدی ہئی۔ اوہیں سوہنی، نویں نکور — واقعی — ٹساں
اوندے نال —۔۔۔۔۔

اؤں نے ایس طرحاں پچھیا جیویں اکھیں الینڈیاں پیاں ہون — میڈا وجود
نڈوں پکھڑٹ لگ گیا — میڈی آوانہ ایویں آئی جیویں دھرتی دے ستویں پرت اپھوں آئی
ہوے —۔۔۔۔۔ واقعی میں اوندے نال کجھ نہیں کرینڈا پیا — زہر لگدی ہے او کینی — ہاں
— ”میں یقین ڈواؤں واسطے سرکوں ہیا وی تلے ہلایا۔

”تے ول او پنج ہزار کیوں کڈھوائے دے جی پھ فٹرز وچوں —
ڈال میڈی اکھیں پونجھ کراہیں، پٹولی ٹاٹے میڈکول آہیچی
”میں کتاب چھپو اوٹریں ہے نال آپٹریاں انسانیاں دی —
میں آپٹریں سرکوں اوندے مونڈھے تے رکھ ڈتا۔“ جھو جھو کہیں ہئے کو رہاؤ۔
— اؤں نے میڈی قیص دا ادھ دچلا بٹن کھول تے سینے دے والاں وچ انگل پھرولی شروع
کر ڈتی۔۔۔۔۔ کتاب داتاں بہانہ ہے، اصل وچ ایویں موٹی نال نکاح دا خراج کرنے،
ڈال میڈی ادھیاں اکھاں کھول کے میڈے مونڈھے تے آپٹریاں نک رگڑیدے
ہوئے اکھیا۔

”تیکوں یقین نہیں آندا ناں — میں اٹھی کھڑا تھیا — او حیران تھی تے میکوں
ڈیکھن لگ پئی — شاید میکوں نراض سمجھ تے روکھ تے ہلاؤن چاہندی ہئی۔ پر میں
اٹھی تے الماری آلے پاسے گیا۔ الماری کھولی تے پنج ہزار دے نوٹاں دی تھئی آتے اوندے
ہتھ تے چارکھی۔“ ایہہ گھن — میں نیں چھپویندا کتاب، توں ٹی وی گھن گھن۔ ہوں سک ہے
ناں تیکوں — میں بے روحا تھی تے اوندے نال کھٹ تے ڈھے پیا — آپٹریاں تلی۔
تے نوٹ ڈیکھ تے وی ناہیدکوں ہالی اعتبار نہ آندا پیا ہا۔

”ہن آگئے یقین کہ میڈا — فرزانہ نال شادی دا کوئی ارادہ کینی۔“
ناہید نے ہک دفعہ ول تلی پئے ہوئے نوٹاں کوں ڈٹھاتے ول میکوں —
میکوں ایویں لگیا — جیویں اونڈیاں اکھیں وچ روشنی ای روشنی ہے، تیز روشنی —

اور کچھ اکھے بغیر اگوں تے کھسک آئی تے آپنا سر میڈے سینے تے رکھ ڈتا۔
 میگوں آپنراں وجود نیڑی نال پگھردا ہوا محسوس تھیا۔ جیویں پکھتے دی ہوا تے
 برف پگھردی ہے۔ برف پگھردی گئی، تے ول کافی دیر بعد — میگوں احساس تھیا
 کہ میں سارا پگھڑ گیاں تے صرف پوچھڑ آجکے — کیڈی سک نال — کتیاں سکاں کول
 گھوگھا ڈے تے، ایہہ پنج ہزار — کتاب واسطے لکھتے تھے ہن — خیر، میڈے
 مقدر دے لکھتے کول کون ٹال سگدا ہا۔ میں ڈٹھا — ناسید، پتہ نہیں کیڑھے ویلے
 دی ونج کراہیں ولدی کم کار و تاج جپ گئی ہی۔ میں سستے سستے سر چھینڈ کیا — کچھ سکون
 دا احساس تھیا — میں ہک دفعہ ول سوچن شروع کر دتا کہ — ایس توں پہلے
 کیا سوچیندا پیا ہم — یاد آیا — میں سوچیندا پیا ہم کہ اوں شودے تڈے کول نائی
 ہڈھی دا گھوڑا کیوں آہن ؟

مہمتہ وار "سرائیکی پروگرام شروع کرن تے
 ادارہ "سرائیکی" وفاقی حکومت تے پاکستان ٹیلی وژن
 کارپوریشن دا دلوں شکریہ ادا کریندے

(ادارہ)

ڈاکٹر محمد سلیم ملک
شعبہ اردو اسلامیہ یونیورسٹی
بہاولپور

میزبان

اونویں تال بندہ جیرھا "بان" وی ہووے ہراکھیں تے۔ بھانویں مہربان ہووے
تے بھانویں دریان۔ ساریان ہووے یا گلہ بان۔ پر جیرھا میزبان ہوندے اوندات اند
نہبان ہوندے۔ کیوں جو قدرت خدا دی تال اونداکھ کچا بستہ پنج و بنجے تال بی گالھ اے
نا تاں مہمان اونکوں مسانوڑ دا سارا تمہ لہ کریندن اینویں سمجھدن جو ہناں کوں کوئی سامی
ہتھیں آگئی اے۔ ایندے گودے توں جو نکل سکے کڈھ گھنوں تے جو وارا لگے ایندے
گھروں چا گھنوں۔ میڈا مطلب اے وی نہیں جو مہمانیں چوریں دا جو ٹھاکھا دا ہوندے۔
اے گالھ حق دی ہووے تال میں ناں آکھساں۔ کیوں جو میں وی ویلے سویلے مہماناں کوں منہ
ڈکھانوڑاں ہوندے تے ہناں دیاں داریاں کریناں پوندن۔

میڈی گالھ تو اے کوں سمجھ تال گھٹ آندی اے کیوں جو میگوں سپج آکھن دی
عادت اے تے تو اے کوں ایں تے مرجھاں لگدن۔ پر میں دل وی باز نم آندا۔ ہک متاں نال
گالھ سمجھنداں ولا اوندانیتجہ وی کڈھے ساں۔ اے بی گالھ اے جو تو اے کوں مثال بھل
ونجے تے اخلاقی نتیجہ یاد رہے جیتویں گھوڑا بھیج ونجے تے اوندی لغام ہتھ اچ رہ ونجے۔ نکلیں
انفالیں وی گالھ اے جہاں سوکھہ میں کنیں مہمان آن ہتھیا۔ اے میڈے واسطے کوئی نویں گالھ
تال کئے نیں۔ اد جڈوں وی ایڈے دا پھیرا مریندے رات کھن میں کنیں ضرور ٹکدے بھانویں
کہیں پیشی تے آوے یا پیار کوں گھن آوے۔ سودا سود گھنٹراں ہووے یا واپاریں آں پھیرا ہووے
میگوں پہلوں اطلاع ضرور پھیندے جو ادا میں فلانے ڈینہہ آندا پیاں تے میں ہک رات رہساں
یا ڈول راہیں رہساں تے میڈے نال فلانا فلانا بندہ دی ہووے۔ روٹی ٹکرتے کھڑے
بسترے دا بند و بست کھرکھیں یا ہیں پھیرے میں اباہا ناں کھڑیں پیریں دل ویدساں۔

اوندے ہن عادت کنوں میگوں کڈا ہن تنگی نہ تھی۔ میں آپناں سمل بدھ رکھینداں۔ پتر ہیں
ہن لے سو بھے وی کمال چاکیتی اے جینویں سیانے آہن ناں جو کہیں ویلے ہکو گناہ بندے
دیاں کئی نیکیاں چٹ کر ویندے اینویں جام سو بھے وی بناں ڈسیں بناں چنویں ابر
بندیں دا ہکل تے عشا ویلے میڈے گھر آن لٹھا۔ اُنہا کوں روٹی مانی کینویں کھوون۔ ہٹی
و دکان کیا سارا بازار بند تھی گیا ہٹی۔ میڈے گھر وی قصور ہٹی۔ ہیں واسطے گھر آلی
وی روٹی ناں پکا سگدی ہٹی۔ وسدیں ہسائیں کوں اٹھاتے اُنہاں دیں زنا میں کوں روٹی
پکا وٹ واسطے کھن وی چنگا ناں لگدا ہا۔ دل تاں ولا ولا آہدا ہا جو ہن سوٹی چا چا داں
تے اُنہاں کوں پار پچا آواں یاوت اے تجوز آندی ہٹی جو اُنہاں اُن چتو میں بارائیں
کوں مرزا ظاہر دار بیگ آکے تاریخی چنے کھواواں۔ بس لا لا ناں بچھو جو میڈے آتے
کیا گزری۔ سائیکل تے چڑھ بسیں دے اوڑے تو کینجہ روٹیں دا گردھم تے ولا سیشن توں
دیگر دی بھاجی دی ونج ملی۔ تے ایں اُن چتو میں مہانیں دا ڈنر کیتم۔ اُنہاں وی کھڑا
پتھاری اندر اگواڑ اپج ناں کر سگدا ہم جو آتھاں اپنے بال بچے ستے پے ہن۔ باہر گلی اپج
کھڑیں دی لائن چالا تم۔ تے مہان سمدھیں اسی بک تھی گے۔ کہیں کوں کہیں شے دی سمدھ
ناں رہی۔ سویلے وڈے ویلے کوں اکھ کھلی تاں ڈیکھن تاں کیا ڈیکھن جو کہیں دی جتی
کئے فی۔ کہیں دا پٹکا گم اے، کہیں دا سرانہ فی بھداتے کہیں دا چولا ہتھیں فی آندا
ہیں واسطے مہان دھاڑ گھوڑ گھتی وڈن۔ اگر میڈے مہان میگوں پہلوں چتوا وں ہاچا
تاں میں اُنہاں واسطے جاہ دا کوئی تہ دل کراں ہا۔ اُنہاں دی تصور می جھی آس یا۔
”گھن سائیں آں“ تے میگوں انج پریشان کیتا تے خود دی خجل خوار تھئے۔

کچھ لوک آپنیں بالیں کوں گھراپج تاں کٹ کٹ تے اُنہاں دا سناہ پیتی
رہندن ہیں واسطے اُنہاں دے بال گھراپج حرام جو کوئی شطانیگی کروجن۔ پر جیہیں
ویلے او مہان بنڑتے میزبان دے گھراپج لہندن تاں بالیں کوں کھل چٹی چا ڈیندن
جو اتھاں جو مرضی آدے کرو۔ چیزاں جینویں وڈے بھنوں۔ کندھیں تے لکیراں لاؤکتاں
پھاڑو یا تھان سٹو جو بھن تروڑ کہہ دتو اے کوں کوئی نہیں سمجھ سگدا۔ مہانیں دے بال
ایں آزادی کنوں پورا فائدہ اٹھیندن تے کہیں شے کوں اپنی جاہ تے سلامت نہیں رہن ڈیندے

سب کچھ ڈیکھتے چپ کر ویندے یا نزال کٹر سس ہک بے کوں بے و سائی نال ڈہدن۔ یا
 دت میزبان شرارتی بالیں کوں گھور گھورتے ڈہدے۔ پر بال اونکوں لٹ اسی نیٹیں
 ڈیندے تے گلا بھن تے ہنٹ نکلاے دے پچھوں لگے کھڑے ہوندن جو میں کوں پکڑتے
 جھوٹے کھاؤں، جیں ویلے میزبان اصلوں پتیک مٹی ویندے تاں ول ٹھڈے ساہ بھرن پے ویندے
 ہمان بڑی لا تعلقی نال پچھدے جو ”ادا خیر ہے کیوں ٹھڈے ساہ بیٹھے بھریندو؟“ میزبان صرف
 ایہو آہدے جو ”بھراوا میں آپے نصیبیں کوں بیٹھا ونداں۔“ ہمان اونکوں ورلیندے جو ”تیکوں
 کیا دا فکر ہے؟ بارھاں تیرھاں سو روپے تو ایڈی تنخواہ اے تے کھاؤن اے صرف نو بندے
 او سو روپیہ بندہ گنٹریجے تاں ولا وی ترے چار سو روپیہ پنج ویندا ہوسے دے ہیں
 واسطے ہینیں پندرہ ڈین پچھوں اُساں ڈال بال سمیت تھان کنیں لنگھ آندوں۔ اسیڈے
 دوں چار ڈینہہ رہنٹ نال تہاں خوش مٹی ویندو۔ تہاں تاں اللہ دا شکر ادا کیتا کرو۔
 ٹھڈے ساہ نہ بھریا کرو۔“
 ہنٹ تہاں آپ انصاف کرو جو میں ایجھے ہمان کوں کیا ولدی ڈینواں تے کیا ڈساں
 جو میزبان بنڑتے میں کینوں ظہیر تھینداں۔

پہلے سرائیکی ڈینہوار ”جھوک“ خان پور دے

اجراء تے اُساں اُنہاں کوں دلوں

ہدیہ تبریک

پیش کریندے سے۔ (ادارہ)

ڈول مٹھڑے بول

تاں زندگی دے مزار ڈسدن
 چمن دے بچل کلیاں انج خوشن
 غلاب زرتہ فلک دو ڈھدے
 چنبیلی کول چپ دا نانگ ڈنگ گئے
 رختاں دے ڈر توں بہار چیتے -
 اے شہر نگہ می دے لوک سیانے
 عجب طراں بچے زبان ڈسدن
 کہیں دی چپ مصلحت دے رنگ اتھ
 کئی صبروں چپ اے کوئی جبروں چپ اے
 کہیں کول ڈر جگ دا کھا دی ویندے
 کہیں تے سے من دا خوف طاری
 ڈول بول مٹھڑے تاں زندگی بہن
 وگرنہ توں، میں تے چندر پھتر
 اورات کالی تے سمجھ لیرا
 غلاب یاوت چنانہہ دا پانی
 تاں چپ دیا قبریں دی دھوڑ ہوسوں
 توچن جے ڈول مٹھڑے بول بولیں
 میں رت نہ روواں تے موتی پوواں
 تو بول میں چپ دی نہر دھواں
 ڈول مٹھڑے بول

ایں گنگی دھرتی دی چپ مرلی
 ڈول بول مٹھڑے دے چن مٹھی دا
 ایں روح تتی دا کلہیپ کھاندم
 آلا تاں سیں! ڈکھ دی رات کئے
 ڈول سکھ دیاں گالیں
 ڈول بول مٹھڑے
 ایں گنگی دھرتی دی چپ مرلی
 اے اندھا سمجھ تے نکل دے تارے
 پچھاویں دودھ دے ندی کنارے
 تے شام دے سرتے رتی چپ
 او چندر دا مٹھی ابھرن
 چنانہہ تے ستلج دے وگدے دھارے
 تے رات دے چپ سستے نغارے
 کچھ ایں قفا دے اسیر لگدن
 جو چپ دے گھرا بن الا نی سگدے
 پہاڑ چپ ان ازل گنوں سیر
 کھڑن مٹھے حیرت دا بار چاتی
 سکوت پھراں دا بوجھ ڈسدے
 تے حشر میں نہیں چپ حیاتی
 تے ول
 اے روہی تے تھل دے ٹہرے
 ازل توں ہن چپ گھر دے قیدی

غزل

تبت رہندا غرقِ صواہ ہے
 ہوں پاسے تیس ڈو راہ ہے
 دل بٹ گیا تسلسلہ نما ہے
 میڈے دل دی دید گواہ ہے
 میڈا اپنا دل دریا ہے
 میڈے بعد نہ رہی مزہ ہے
 تیں آپ میکوں آکھیا ہے
 اد پا گیا راز بقا ہے
 کلہن اوکھا یار نبھا ہے
 میڈا ماہی بے پرواہ ہے
 نت اکھڑیا اکھڑیا ساہ ہے
 تیڈی فرقت وڈی سزا ہے
 متاں تھی ونجے یار خفا ہے
 ایویں دنیا دی افواہ ہے
 کتھاں یار توں یار جدا ہے
 ایندا اوٹک انت فنا ہے
 تیڈے یار دی ایہار فنا ہے

تبتا عشق انو کھڑی بھاہ ہے
 جیئیں پاسے وید بھنوایم
 جیئیں دل کوں صاف چا کیتا
 چو گوٹھ ہے جلوہ آرائی
 گو تبتا انت نہ کائی
 میڈے نال جہان آباد لے
 میں اشرف کل تخلیق آج
 جیڑھاتیں وچ غرق تھی گیا
 نہیں نبھدی کول سڈا گھن
 نت بسمل دانگ تریڈاں،
 میڈے اندر بھا بھڑ بھڑدن
 تیں باجھ میں کیویں گڈاراں
 ہر حال پرچ چپ کر رہنداں
 بھلا یار وی یار کوں بھلدن
 بس وصل تے برہوں راز
 کوڑی دنیا چار ڈیہاڑے
 کر گذر نہ سوچ ریاضتا

کافے

اساں تال سالول ایسو کہ کیناں
 اوہے قول اگلے پلےسو کہ کیناں
 بہر دیاں نگاہیں بھلیسو کہ کیناں
 اوہے رس رنج پرانی ونجیسو کہ کیناں
 ہے اصلوں تے از لول اے تتری تسادھی
 ہیں کھلی کول ول گھروسیسو کہ کیناں
 تسادھی سڈیجاں تے در در میرجاں
 کتی کول پکڑ بدھ بھلیسو کہ کیناں
 میں تک تک تھکی ہاں تے تھک تھک تھی ہاں
 مٹھی ڈو نگاہیں بھلیسو کہ کیناں
 او بھانڈے پرانے تے اگلے ٹکانڈے
 مڑلیسو کیا لیں سٹریسو کہ کیناں
 اے کھیڑے او پڑے رکھن نت بکھیڑے
 سروں ہیر دے شریلیسو کہ کیناں
 ہوں تنختوں اتر کرتے بنختوں گزر کہ
 سڈا چاک جھنگ پیر پلےسو کہ کیناں
 اے دردیں دے قصے تے مردیں دے حصے
 سٹریساں ذرا وقت ڈیسو کہ کیناں
 انا دل پتایا ابا ہل ہل ہل
 ہلاہل دی گولی پلےسو کہ کیناں
 صبا کوٹ مٹھن دے پیریں کوہ اکھیں
 ہیں بلبل کوہ خود گل بٹریسو کہ کیناں

سرائیکی وچ ترجمہ نگاری دافن

تخلیق کار حیاتی وچ پیش آون والے واقعات، مشاہدات تے تجربات کون عام انساناں توں ذرا ہٹ تے محسوس کریندن۔ تے ایہے مشاہدات و تجربات بعد وچ ادب دا حصہ بنڑدن۔ تخیل تے فکر دے ایدے تے اُسرن والا ادب نہ صرف انسانی تسکین دا سبب بنڑدے بلکہ علم و عمل تے سائنس ترقی دی یوڑی دا پہلا ڈاکہ وی ثابت تھیندے۔ اسلوا کلاسیکی ادب دیو مالائی داستاناں نال سنگریا پنگریا ہو یا ہے۔ تے انہاں کہانیاں وچ اڈن والے قالین تے پیالیاں وچ دُنیاں دا نقشہ بڑیکھنر دا خواب سائنس دے علم نال حقیقت بنڑیا۔ اینویں ہی دھیر سارے خیال ادب دے ذریعے سچائی بنڑتے اُمبریے جی کہیں وسیب وچ پیش آون والے واقعات و مشاہدات تے تجربات ہوں وسیب تک محدود رہن، آج اے ممکن کینی، بلکہ ہن تاں ادب وچ نویں تجربے فوراً بے زبان وچ وی منتقل ہتی ویندن تے ہن طریقہ نال اساں ہک ڈوجھے دے نیڑے آسکدے ہن۔ ہک ڈوجھے کون سمجھ سکدے ہن۔

ایہا وجہ ہے جو ہمیشہ ادب وچ ہک زبان کنوں ڈوجھی زبان تک ترجمے دے ذریعے پُچیا گئے۔ ترجمے دافن جتھاں ڈوجھیاں زبانان نال تعلق قائم کریندے جتھاں ساکوں پیاں زبانان دیاں اصنافِ نظم و نثر دا وی پتہ لگدے تے اے وی معلوم تھیندے جو اسلوا دی زبان دے ادب تے بے زبانان دے ادب وچ فکر سی تے تجرباتی بعد کتنا ہے۔

سرائیکی وچ ترجمے دی تاریخ تقریباً ۵۰۰ سال تک پھیلی ہوئی ہے تے اے عرصہ ۱۹۸۶ء کنوں ہن تک یعنی ۱۹۹۰ء تک دا بنڑدے۔

ڈاکٹر مسٹوفر شیکل دی تحقیق دے مطابق انجیل متدس دا پہلا سرائیکی ترجمہ نویں ملکی ترجمہ تے مشتمل

مدی ہجری یعنی پندرہویں صدی عیسوی وچ تھیا۔ جیکوں ملتان دے ہک ہندو نے کیٹا۔ جیندا ناں معلوم
 نئ سگیا۔ اے ترجمہ چار جلدوں تے ہے وی لندن لائبریری وچ موجود ہے۔ شیخ رشاد کلاچوی
 دے مطابق انجیل دا ہک بیا ترجمہ سرائیکی وچ ۱۸۰۵ء وچ تھیا۔ اے نسخہ وی سرائیکی
 لائبریریاں وچ مل ویندے۔

انجیل دے علاوہ اساڈی مقدس تے معتبر کتاب مسین قرآن حکیم دا سرائیکی وچ
 ترجمہ وی انودیں صدی وچ شروع تھی گیا ہا۔ ۱۸۹۶ء وچ مولوی احمد بخش نے پارہ الم دا ترجمہ
 ۳ صفحات وچ کیٹا۔ تے انکوں عبدالعزیز، عبدالرشید، تے علی محمد لاہوری نے مطبع گلزار محمدی لاہور
 ل چھپوایا۔ اتہاں مذہبی کتاباں توں علاوہ ۱۸۸۷ء وچ محمد عزیم الدین دی ہک کتاب وی سامنے آئی۔
 ہے نظم "الوداع" دے ناں نال اے کتاب ۱۱۶ صفحات تے مشتمل ہے اے کتاب سرائیکی وچ
 منظوم ترجمہ جیکوں خود مصنف نے مطبع حسنہ بمبئی توں چھپوایا مائی۔

میرامن دہلوی دی داستان قصہ "باغ و بہار" کوں ۱۸۹۷ء وچ ملتان دے ہک
 ہزاری قاضی احمد بخش نے سرائیکی وچ ترجمہ کیٹا، قاضی احمد بخش سکس سیرو ملتان دے رہن
 اے ہن۔ تے آپٹریں ایس تحریر دی وجہ نال بہت شہرت اکھیندے ہن۔

۱۹۱۹ء وچ ہک بے مہاندے مولوی رحیم بخش نے فارسی مصداورد سرائیکی وچ
 ترجمہ کیٹا۔ اینویں ہی ۱۹۲۲ء وچ میاں محبوب احمد ملتان نے پیر بخش خان دی کتاب "فیض
 انی" چھاپی، اے ترجمہ وی منظوم ہاتے ۲۴ صفحات تے مشتمل ہا۔

۱۹۲۸ء وچ حافظ سراج الدین دار سالہ "متشابہات" محمد بشیر الدین نے
 ریس ملتان توں شائع کیٹا۔ ۱۹۶۰ء وچ مولوی عبدالسمیع نے قرآن شریف دے آخری
 ۷ کوں سرائیکی ترجمہ نال تے ۱۹۵۰ء وچ محمد حفیظ الرحمان حفیظ نے مکتبہ عزیزیہ بہاولپور
 نا شریف دے ہارباں سپاریاں دا سرائیکی وچ ترجمہ شائع کیٹا۔

۱۹۵۲ء وچ مولوی حفیظ الرحمن حفیظ نے پہلی دفعہ قرآن مجید دا سرائیکی زبان وچ
 بخش کیٹا۔ ایس ترجمہ کوں بہوں پسند کیٹا گیا تے اے ترجمہ ۹۶۴ صفحات

دے بعد ۱۹۸۰ء وچ ڈاکٹر مہر عبدالحق نے حکومت پاکستان دی اسناد

نال قسآن شریف دا ترجمہ شائع کیتا۔ جیکوں سرانسیکی زبان دانی دا بہترین نمونہ تصور کیتا
دیندے تے بعد وچ قسآن مجید دے کچھ سپاریاں دا ترجمہ سیئیں دلشاد کلاچوی نے وی
کیتے۔

ادب وچ داستان تے ناول پہوں اہمیت دے حامل سمجھے دیندن، اردو
توں سرانسیکی وچ جنہاں داستاناں تے ناولاں دا ترجمہ کیتا گئے۔ انہاں وچ ۱۹۶۵ء
وچ نبیلہ نعیم اربیلہ جیڑھے سرانسیکی کافی دے بادشاہ خرم بہاولپوری دے تیرہن -
قصہ چار درویش دا ترجمہ کیتا۔ تے ایندی پہلی قسط سہ ماہی "سراںسیکی" بہاولپور و
شائع تھائی۔

ڈپٹی نذیر احمد دا مشہور ناول "توبہ المنصوح" کوں ۱۹۶۶ء وچ سیئیں دلشاد
کلاچوی نے سرانسیکی وچ ترجمہ کرتے پیش کیتا۔ تے ایس ناول دی پہلی قسط اپریل ۱۹۶۶ء
دے سہ ماہی "سراںسیکی" وچ چھپی ہئی۔ تے بعد وچ ۱۹۷۷ء کوں "سراںسیکی" ادبی مجلس بہا
نے "توبہ رازی" دے نال نال اے کتاب شائع کیتی ہے۔ شرر دے ناول "فسد
بریں" کوں سیئیں بدریگئیڈیئر سید نذیر علی شاہ مرحوم نے "فردوس ٹھکانی" دے نال نال
کرتے شائع کیتا۔ تے اے ترجمہ دی کتاب سرانسیکی ادبی مجلس نے ۱۹۷۹ء وچ چھاپی۔

پہوں سارے افسانیاں کوں سرانسیکی وچ ترجمہ کرن والیاں دی ہک لمبی فہرست
ہے جنہاں وچ سیئیں صادق بشیر، ممتاز عیدر ڈاہر، سلیم شہزاد، اسلم انصاری، مہر کاچیا
نے بے ڈھیر سارے لکھاری موجود ہن۔ محترمہ فرحت نواز نے جدید اردو افسانہ نگاراں
منتخب افسانیاں دا ترجمہ "منزلاں تے پندھڑے" دے نال نال خانیپور توں شائع کیتے
شاعری وچ دلشاد کلاچوی نے غالب دیاں غزلاں، عزیزہ نشتر غوری نے خیام
رباعیاں دا ترجمہ "شاہکار" ڈاکٹر مہر عبدالحق نے جہادید نامہ دا ترجمہ، تے نسیم لیہ
بال جبریل دا ترجمہ کتابی صورت وچ لکھیاتے شائع کیتا،

۱۹۸۰ء وچ محمد حسین آزاد دی کتاب "نیرنگ خیال" دا سرانسیکی ترجمہ "نوا
وچ خیال" دے نال نال دلشاد کلاچوی، فدائے اظہر تے اسلم قریشی نے کیتا۔
شیخ سعدی رم دی حکایات کوں "سعدی آکھیا" دے نال نال سیئیں غلامی بہا

تے ۱۹۷۶ء وچ چھپوایا، تے خلیل جبراں دی کتاب دی پرافٹ دا سرائیکی ترجمہ سبیں قاسم حلال
 تے کیا، جیڑھا "راز دیاں گاہیں" دے ناں نال فنکار اکیڈمی بہاولپور نے چھاپے۔
 ڈرامہ نثری ادب دا ہک بھرپور حصہ ہے۔ اُردو وچ آغا حشر کاشمیری جیڑھے
 ڈرامے لکھے ہن او ہمیشاں یاد رکھے ولین، انہاں معروف ڈرامیاں کوں ۱۹۸۱ء وچ
 سرائیکی وچ ترجمہ کرتے شاٹ کیا کیا۔ فداے افر نے خواب مستی، اسلم قریشی
 نے رستم و سہراب تے دشتاد کلاچوی نے خوبصورت بلا دا ترجمہ یسنا۔ زبان و بیان تے
 اسلوب وے لحاظ نال اے ڈرامے ہک خوبصورت وادھا ثابت تھے۔ اینویں
 ہی میر حسن دی شہرت یافتہ مثنوی سحرالبیان دا سرائیکی وچ ترجمہ "دل بہار" دے
 ناں نال ۱۹۸۴ء وچ شائع تھیا۔ جیکوں سرائیکی ادبی مجلس بہاولپور نے بڑے اہتمام
 نال چھاپے۔ اے ترجمہ سبیں دشتاد کلاچوی ہوراں نے کیتے۔ سبیں صدیق طاہر نے صادق نامہ
 دا ترجمہ کرے بہاولپور دی تریخ کوں محفوظ کیتے۔
 دُنیاں دی وڈی وڈی زباناں وچ تخلیق تھیون ادب تے انہاں دیاں
 اصناف کوں اساڈے ترجمہ نگاراں سوہنڑیں اسلوب وچ سرائیکی دے وچ ڈھالے۔
 تے ایں طریقے نال آپڑاں ناں پیدا کیتے۔
 فارسی، انگریزی، بنگلہ، اُردو، پشتو تے پنجابی دے علاوہ روسی تے
 فرانسیسی ادب کوں وی سرائیکی وچ ترجمہ کرتے پیش کیا گئے۔ تے اے فن ویلے دے
 ناں نال ترقی کریندا پے تے اساں ایں فن تے پوری طرح فخر کر سبگدے ہیں۔ گو ترجمے
 دا فن بہوں مہارت تے عرق ریزی دا تقاضہ کریندے لیکن اساڈے ترجمہ نگار نہ صرف
 ایں خوبصورتی نال اے کم پے کمیندن بلکہ ترجمہ کرن ویلے اصل تحریری دی روح یا صفت کوں
 سرائیکی وچ منتقل کرن دپہں بہوں کامیاب ہن، تے انہاں دے ترجمے بہوں شوق نال پڑے
 دیندن۔

لولی

میدے مہورل والال پنگھوڑا

میں ڈیواں لولی — لولی ہو لولی

ایندیال تنڑیاں دپچ ہیر موتی

میں ڈیواں لولی — لولی ہو لولی

سوہنے رانجھو د بول بولارے
بیلے منجھیاں دے تحت سوئے

میں ڈیواں لولی — لولی ہو لولی

میدے سوہنے پتل دیاں سواریاں
اکھڑنگلے کچا دے — کچاریاں

میں ڈیواں لولی — لولی ہو لولی

میں پنگھے دی ڈورھلاواں
حق پرچ دے ڈول بول الانواں

میں ڈیواں لولی — لولی ہو لولی

سوہنے رانجھو د بول بولارے
ایندیال منجھیاں دے وین ڈکھارے

میں ڈیواں لولی — لولی ہو لولی

بیڈے سوہنے پٹیل دیاں سواریاں
سینج بھانڈے تے اہڑیاں چاریاں

میں ڈیواں لولی — لولی ہو لولی

پیلے منجھیاں کے بخت سولے
ساڈے چھپکوں سکھریں تسلے

میں ڈیواں لولی — لولی ہو لولی

بیڈے راول دے پنہ زاری
ڈنگھ درد تے مونجھ منجھاری

میں ڈیواں لولی — لولی ہو لولی

پیش آسن وچھوڑ وطن دے
ون سک تے رنٹرائے صحن دے

میں ڈیواں لولی — لولی ہو لولی

میں پنگھے دی ڈور ہلا توالے
ستے بختاں کوں نندراں جگانوالے

میں ڈیواں لولی — لولی ہو لولی

دوہڑے

جیویں میگوں آن روایا ہئی ایویں میں وانگوں پل پل روکیں
 ہک واری روکے تھک بہیں دل دل ڈکھیا توں دل روکیں
 نہ ڈکھڑے آن وڈیسیا کوئی نوں لاکندھیاں کوں گل روکیں
 بس شاہر فرق میعاد داہے۔ میں اچ روئیاں توں گل روکیں

میڈے اجڑے شہر دے بٹیاں تے آقدم رکھیں یک وارے
 میڈا آتم خدا دی اے جنگل تھی ویسی باغ و بہارے
 بیڑی کالی رات اندھاری کوں لگ دین چندر تے تارے
 تیکوں ڈیکھ کے شاہر جی آسی توڑیں ہو کسی تہ تیارے

اعتبار نہ کہ انہاں سو ہنٹریاں تے اچ کجھ ہوندن کل کجھ ہوندن
 منہ زور مزاج دے مالک ہن گھڑی کجھ ہوندن پل کجھ ہوندن
 انہاں حسن دیاں بھریاں بوتلاں دے گل کجھ ہوندن تل کجھ ہوندن
 ہن شاہر مثل کہ یہاں دے پھل کجھ ہوندن پھل کجھ ہوندن

ماہیں آپ کہاڑی پیرتے دل عدل بہاں نہ دار کہاں
 بہہ دانے چلے کوڑتیاں دے پھس پودناتے پھتکار کہاں
 کہیں پتھر دل انسان انگوں نقشیر کہیں تنکھار کہاں
 کھڑ چادنی عشق دی پنڈت کد دل دھاڑ کہیں بڑ سکار کہاں

معیاری لکھتاں واسطے

سرائیکی مہینہ وار

”سماں“

احمد پور شرقیہ

مدیر: ممتاز عاصم

بہترین کوالٹی، معیاری جیننگ
عمدہ کام، اعلیٰ انتظام، مزدور سودہ
کارکن مطمئن

اپنے عسقلان کی ترقی اور روزگار کی ضمانت

الحکامان میری داد



فور پور نورنگا - بہاول پور
فون نمبر ۴۲۲۲، ۴۳۷۵
پینجنگ ڈائریکٹرز
خواجہ حافظ محمد مصنان